



百氏文集

世三  
世四

~ 16  
3345  
18



門 16  
號 3345  
卷 18



白氏長慶集卷第三十三

唐太子少傅刑部尚書致仕贈尚書右僕射太原

白居易樂天著

昭和41年12月20日寄  
原安二郎氏贈

明後學松江馬元調巽甫校

律詩 凡一百首

從同州刺史改授太子少傅分司

承華東署三分務履道西池七過春歌酒優游聊卒歲

園林瀟灑可終身留侯爵秩誠虛貴疎受生涯未苦貧

月俸百千官一品朝廷雇我作閒人張良疎受並為太子少傅

奉和裴令公新成午橋庄綠野堂即事



白集

卷第三十三

舊徑開桃李新池鑿鳳凰只添丞相閣不改午橋庄遠  
處塵埃少閒中日月長青山爲外屏綠野是前堂引水  
多隨勢栽松不趁行年華玩風景春事看農桑花妬謝  
家妓蘭偷荀令香遊絲飄酒席瀑布濺琴床巢許終身  
穩蕭曹到老忙千年落公便進退處中央時裝加中書令

自題小艸亭

新結一茅茨規模儉且卑土階全壘塊山木半留皮陰  
合連藤架藜香近菊籬壁宜藜杖倚門稱荻簾垂窗裏  
風清夜簷閒月好時留連嘗酒客勾引坐禪師伴宿雙  
棲鶴扶行一侍兒綠醅量盞飲紅稻約升炊齷齪豪家  
笑酸寒富室欺陶廬閒自愛顏卷陋誰知螻蟻謀深穴  
鷓鴣占小枝各隨其分足焉用有餘爲

自詠

細故隨緣盡形衰具體微鬪閒僧尚鬧較瘦鶴猶肥老  
遣寬裁襪寒教厚絮衣馬從銜草輾雞任啄籠飛只要  
天和在無令物性違自餘君莫問何是復何非

新亭病後獨坐招李侍郎公垂

新亭未有客竟日獨何爲趁暖泥茶竈防寒夾竹籬頭  
風初定後眼闇欲明時淺把三分酒閒題數句詩應須  
置兩榻一榻待公垂

閒臥寄劉同州

軟褥短屏風昏昏醉臥翁鼻香茶熟後腰暖日陽中伴  
老琴長在迎春酒不空可憐閒氣味唯欠與君同

殘酌晚食

閒傾殘酒後煖擁小爐時舞看新翻曲歌聽自作詞魚  
香肥潑火飯細滑流匙除却慵饒外其餘盡不知

喜見劉同州夢得

紫綬白髭鬚同年二老夫論心共牢落見面且歡娛酒  
好攜來否詩多記得無應須為春艸五馬少踟躕

裴令公席上贈別夢得

年老官高多別離轉難相見轉難思雪銷酒盡梁王起  
便是鄒牧分散時

尋春題諸家園林

聞健朝朝出乘春處處尋天供閒日月人借好園林漸  
以狂為態都無悶到心平生身得所未省似而今

又題一絕

貌隨年老欲何如興遇春牽尚有餘遙見人家花便入  
不論貴賤與親疎

家園三絕

滄浪峽水子陵灘路遠江深欲去難何似家池通小院

臥房階下插魚竿  
籬下先生時得醉  
甕間吏部暫偷閒  
何如家醞雙魚榼  
雪夜花時長在前  
鴛鴦怕捉竟難親  
鸚鵡雖籠不著人  
何似家禽雙白鶴  
閒行一步亦隨身

老來生計

老來生計君看取  
白日遊行夜醉吟  
陶令有田唯種黍  
鄧家無子不留金  
人間榮耀因緣淺  
林下幽閒氣味深  
煩慮漸銷虛白長  
一年心勝一年心

早春題少室東巖

三十六峰晴雪銷  
嵐氣生月留  
三夜宿春引  
四山行遠  
草初含色寒禽未變聲  
東巖最高石  
唯我有題名

早春即事

眼重朝眠足  
頭輕宿酒醒  
陽光滿前戶  
雪冰半中庭  
物變隨天氣  
春生逐地形  
北簷梅晚白  
東岬柳先青  
葱壠抽羊角  
松巢墮鶴翎  
老來詩更拙  
吟罷少人聽

歎春風兼贈李二十侍郎二絕

樹根雪盡催花發  
池岸冰消放草生  
唯有鬚霜依舊白  
春風於我獨無情

道場齋戒今初畢  
酒伴歡娛久不同  
不把一杯來勸我

無情亦得犯春風

春來頻與李二賓客郭外同遊因贈長句

風光引步酒開顏送老消春嵩洛閒朝蹋落花相伴出  
暮隨飛鳥一時還我爲病叟誠宜退君是才臣豈合閒  
可惜濟時心力在放教臨水復登山

二月二日

二月二日新雨晴草芽菜甲一時生輕衫細馬春年少  
十字津頭一字行

春和令公綠野堂種花

綠野堂開占物華路人指道令公家令公桃李滿天下

何用堂前更種花

清明日登老君閣望洛城贈韓道士

風光煙火清明日歌哭悲歡城市閒何事不隨東洛水  
誰家又葬北邙山中橋車馬長無已下渡舟航亦不閒  
冢墓曩曩人擾擾遼東悵望鶴飛還

二月二日

畫堂三月初三日絮撲窓紗燕拂簷蓮子數杯嘗冷酒  
柘枝一曲試春衫階臨池面勝看鏡戶映花藁當小簾  
指點樓南玩新月玉鈎素手兩纖纖

雨中聽琴者彈鶴操

雙鶴分離一何苦連陰兩夜不堪聞莫教遷安孀妻聽  
嗟嘆悲啼詎殺君

酬鄭二司錄與李六郎中寒食日相過同宴見

贈二人並是同年

偶因冷節會嘉賓況是平生心所親迎接須矜疎傳老  
祇供莫笑阮家貧杯盤狼藉宜親夜風景闌珊欲過春  
相對喜歡還悵望同年只有此三人

喜楊六侍御同宿

岸嶺靜言明月夜匡牀閒臥落花朝二三月裏饒春睡  
七八年來不早朝濁水清塵難會合高鵬低鷄各逍遙

眼看又上青雲去更上同衾一兩宵

殘春詠懷贈楊暮巢侍郎

位逾三品日太子少傅官三品年過六旬時予今年六十五不道官班

下其如筋力衰猶憐好風景轉重舊親知少壯難重得  
歡娛且強為興來池上酌醉出袖中詩靜話開襟久閒  
吟放盃遲落花無限雪殘鬢幾多絲莫說傷心事春翁  
易酒悲

閒居春靜

閒泊池州靜掩扉老身慵出客來稀愁應暮雨留教住  
春被殘鷓鴣喚遣歸揭雍偷嘗新熟酒開箱試著舊生衣

冬裘夏葛相催促，垂老光陰速似飛。

春盡日天津橋醉吟，偶呈李尹侍郎。

宿雨洗天津，無泥未有塵。初晴迎早夏，落照送殘春。興發詩隨口，在來酒寄身。水邊行菟菟，橋上立逡逡。疎傳心情老，吳公政化新。三川徒有主，風景屬閒人。

池上逐涼二首

青苔地上消殘暑，綠樹陰前逐晚涼。輕展單衫薄紗帽，淺池平岸滯<sub>毗意切</sub>。藤床簪纓怪我情，何薄泉石諳君味。甚長徧問交親為老計，多言宜靜不宜忙。窻閒睡足休高枕，水畔行來上小船。棹遣禿頭奴子撥。

茶<sub>教</sub>纖手侍兒前，門前便是紅塵地。林外無非赤日天，誰信好風清簟上更無一事但翛然。

香山避暑二絕

六月灘聲如猛雨，香山樓北暢師房。夜深起凭闌干立，滿耳潺湲滿面涼。

紗巾草履竹疎衣，晚下香山蹋翠微。一路涼風十八里，臥乘籃輦睡中歸。

老夫

七八年來遊洛都，三分遊伴二分無。風前月下花園裏，處處唯殘个老夫。世事勞心非富貴，人生實事是歡娛。



誰能逐我來閒坐時共醉歌傾一壺

香山下居

老須爲老計老計在抽簪山下初投足人閒久息心亂  
藤遮石壁絕澗護雲林若要深藏處無如此處深

無長物

莫訝家居窄無嫌活計貧只緣無長物始得作閒人青  
竹單床篔簹烏紗獨幅巾其餘皆稱是亦足奉吾身

宿香山寺酬廣陵牛相公見寄

來詩云唯羨東都白居易月明

香積問禪師時牛相  
三表乞退有詔不許

手札八行詩一篇無由相見但依然君匡聖主方行道

我是空王正坐禪支許徒思遊白月夔龍未放下青天

應須且爲蒼生住猶去懸車十四年牛相公今年五十七

以詩代書寄戶部楊侍郎勸買東隣王家宅

勸君買取東隣宅與我衡門相並開雲映高峯高戶牖  
月和伊水入池臺林園亦要聞閒置筋力應須及健廻  
莫學因循白賓客欲年六十始歸來

贈談客

上客清談何亶亶幽人閒思自寥寥請君休說長安事  
膝上風清琴正調

初入香山院對月

大和六年秋作

老住香山初到夜秋逢白月正圓時從今便是家山月  
試問清光知不知

題龍門堰西澗

東岼菊叢西岼柳柳陰煙合菊花開一條秋水琉璃色  
闊狹纔容小舫迴除却悠悠白少傳何人解入此中來  
秋霖中奉裴令公見招早出赴會馬上先寄六

韻

雨闇三秋日泥深一尺時老人平且出自問欲何之不  
是尋醫藥非干送別離素書傳好語絳帳赴佳期續借  
桃花馬催迎楊柳姬只愁張錄事罰我怪來遲

嘗酒聽歌招客

一甕香醪新插芻雙鬟小妓薄能謳管絃漸好新教得  
羅綺雖貧免外求世上貪忙不覺苦人間除醉即須愁  
不知此事君知否君若知時從我遊

八月二日作

露白月微明天涼景物清草頭珠顆冷樓角玉鉤生氣  
爽衣裳健風疎砧杵鳴夜衾香有思秋簾冷無情夢短  
眠頻覺宵長起暫行燭凝臨曉影蟲怨欲寒聲槿老花  
先盡蓮凋子始成四時無了日何用嘆衰榮

病中贈南隣覓酒

頭痛牙疼三日臥妻看煎藥婢來扶今朝自按擡頭語  
先問南隣有酒無

曉眠後寄楊戶部

輭綾腰褥薄絲被涼冷秋天穩暖身一覺曉眠殊有味  
無因寄與早朝人

秋雨夜眠

涼冷二秋夜安閒一老翁臥遲燈滅後睡美雨聲中灰  
宿温瓶火香添暖被籠曉晴寒未起霜葉滿階紅

喜夢得自馮翊歸洛兼呈令公

上客新從左輔迴高陽興助洛陽才已將四海聲名去

又占三春風景來甲子等頭憐共老文章敵手莫相猜  
鄒枚未用爭詩酒且飲梁王賀喜杯

齋戒滿夜戲招夢得

紗籠燈下道場前白日持齋夜坐禪無復更思身外事  
未能全盡世閒緣明朝又擬親杯酒今夕先聞理管絃  
方丈若能來問疾不妨兼有散花天

和令公問劉賓客歸來稱意無之作

水南秋一半風景未蕭條阜蓋迴沙苑藍輦上洛橋閒  
嘗黃菊酒醉唱紫芝謠稱意那勞問請錢不早朝

酬夢得窮秋夜坐即事見寄

烟細燈將盡聲遙漏正長老入秋向火小女夜縫裳菊  
悴離經雨萍銷水得霜今冬暖寒酒先擬共君嘗

偶于維陽牛相公處覓得箏箏未到先寄詩來

走筆戲荅

來詩云但愁封寄  
去魔物或驚禪

楚匠饒巧思秦箏多好音如能會一直何啻直雙金玉  
柱調須品朱絃染要深會教魔女弄不動是禪心

荅夢得秋庭獨坐見贈

林梢隱映夕陽殘庭際蕭疎夜氣寒霜州欲枯蟲思急  
風枝未定鳥棲難容衰見鏡同惆悵身健逢杯且喜歡  
應是天教相煖熱一時垂老與閒官

長齋月滿攜酒先與夢得對酌醉中同赴令公  
之宴戲贈夢得

齋宮前日滿三旬酒榼今朝一拂塵乘興還同訪戴客  
解醒仍對姓劉人病心湯沃寒灰活老齒花生朽木春  
若怕平原怪先醉知君未慣吐車茵

奉酬淮南牛相公思黯見寄二十四韻每對雙  
關分敘

兩  
意

白老忘機客牛公濟世賢鷗棲心戀水鵬舉翅摩天累  
就優賢秩連操造化權貧司甚瀟灑榮路自喧闐望苑  
三千白台階十五年是人皆棄忘何物不陶甄居易三  
任官寮

皆分司東都于茲八載思黯出藍輿遊嵩嶺油幢鎮海  
 入外內凡十五年皆同平章事藍輿遊嵩嶺油幢鎮海  
 孺竹篙撐釣艇金甲擁樓船夜尋僧舍春朝列妓筵  
 長齋儼香火密宴簇花鈿自覺閒勝鬧遙知醉笑禪是  
 非分未定會合杳無緣我正思楊府君應望洛川西來  
 風嫋嫋南去雁連連日落龍門外潮生瓜步前秋同一  
 時盡月共兩鄉圓舊眷交歡在新文氣調全慙無白雪  
 曲難吞碧雲篇金谷詩誰賞蕪城賦衆傳珠應晒魚目  
 鈿未伏龍泉遠許驚魔物深情寄酒錢霜紈一百疋玉  
 柱十三絃思黯遠寄箏來先寄詩云但愁封楚醞來樽  
 裏秦箏送耳邊何如紅燭下相對一陶然

吳祕監每有美酒獨酌獨醉但蒙詩報不以飲

招輒此戲酬兼呈夢得

蓬山仙客下煙霄對酒唯吟獨酌謠不怕道狂揮玉爵

亦曾乘興換金貂吳監前任散騎常侍君稱名士誇能

飲王孝伯云但常無事讀離騷痛飲只可稱名士我是愚夫可見招獨酌謠云

賴有伯倫為醉伴何愁不解傲松喬

酬夢得霜夜對月見懷

淒清冬夜景搖落長年情月帶新霜色礎和遠雁聲暖

憐爐火近寒覺被衣輕枕上酬佳句詩成夢不成

初冬月夜得皇甫澤州手札并詩數篇因遣報

書偶題長句

清冷玉韻兩三童，落落銀鈎七八行。心逐報書懸鴈足，  
夢尋來路遶羊腸。水南空地多明月，山北天寒足早霜。  
履道所居在水南澤州在太行之北地也最恨潑醅新熟酒，迎冬不得共君嘗。

雪中酒熟欲攜訪吳監先寄此詩

新雪對新酒，憶同傾一杯。自然須訪戴，不必待延枚。  
云延枚叟陳榻無辭解，袁門莫懶開。笙歌與談笑，隨事自將來。

酬令公雪中見贈詩不與夢得同相訪

雪似鵝毛飛散亂，人披鶴氅立徘徊。鄒生枚叟非無興，  
唯待梁王召即來。

題酒甕呈夢得

若無清酒兩三甕，爭向白鬚千萬莖。麩麩銷愁真得力，  
光陰催老苦無情。凌煙閣上功無分，伏火爐中藥未成。  
更擬共君何處去，且來同作醉先生。

迂叟

一辭魏闕就商賓，散地閒居八九春。初時被目為迂叟，  
近日蒙呼作隱人。冷煖俗情諳世路，是非閒論任交親。  
應須繩墨機關外，安置疎愚鈍滯身。

洛下閒居寄山南令狐相公

已收身向園林下，猶寄名於祿仕間。  
不銀菑康彌懶靜，無金疎傳更貧閒。  
支分門內餘生計，謝絕朝中舊往還。  
唯是相君忘未得，時思漢水夢巴山。

惜春贈李尹

春色有時盡，公門終日忙。  
兩衙但不闕，一醉亦何妨。  
芳樹花團雪，衰翁鬢撲霜。  
知君儻年少，未苦惜風光。

對酒勸令公開春遊宴

時泰歲豐無事日，功成名遂自由身。  
前頭更有忘憂日，向上應無快活人。  
自去年來多事故，從今日去少交親。

宜須數數謀歡會，好作開成第二春

與夢得偶同到敦詩宅感而題壁

山東纔副蒼生願，漢書云山東出相川上俄驚逝水波。  
履道道涼新宅第，敦詩宅在履道宣城零落舊笙歌。  
崔家妓樂多歸宣州也

園荒唯有薪堪採，門冷兼無雀可羅。  
今日相逢偶同到，傷心不是故經過。

揚六尚書新授東川節度使代妻戲賀兄嫂二絕

絕

劉綱與婦共昇仙，弄玉隨夫亦上天。  
何似沙哥領崔嬾，碧油幢引向東川。

金花銀碗饒君用過合畫羅衣儘瘦裁得黔婁為  
妹婿可能空寄蜀茶來

閒遊即事

郊野遊行熟村園次第過鷓鴣山尋浥澗蹋水渡伊河寒  
食青青草春風瑟瑟波逢人共杯酒隨馬有笙歌勝事  
經非少芳辰過亦多還須自知分不老擬如何

六十六

七十欠四歲此生那足論每因悲物故還且喜身存安  
得頭長黑爭教眼不昏交游成拱木婢僕見曾孫瘦覺  
腰金重衰憐鬢雪繁將何理老病應付與空門

卷二十九  
枚十五

池上早春即事招夢得

老更驚年改閒先覺日長晴熏榆莢黑春染柳稍黃雲  
破山呈色冰融水放光低平穩船舫輕暖好衣裳白角  
三升盃紅茵六尺牀偶遊難得伴獨醉不成狂我有中  
心樂君無外事忙經過莫慵懶相去兩三坊

因夢得題公垂所寄蠟燭因寄公垂

照梁初日光相似出水新蓮艷不如却寄兩條君今取  
明年雙引入中書宰相入朝舉雙  
燭餘官各一

令公南庄花柳正盛欲偷一賞先寄二篇

最憶樓花千萬朵偏憐堤柳兩三株擬提社酒攜村妓



擅入朱門莫怪無映樓栞花拂堤垂柳庄上最勝絕處故舉以為對  
可惜亭臺閒度日欲偷風景暫遊春只愁花裏鶯饒舌  
飛入宮城報主人

春夜宴席上戲贈裴淄州

九十不衰真地仙謂淄州也六旬猶健亦天憐謂自今年相  
遇鶯花月此夜同歡歌酒筵四座齊聲和絲竹兩家隨  
分斷金鈿留君到曉無他意圖向君前作少年

贈夢得

年顏老少與君同眼未全昏耳未聾放醉臥為春日伴  
趣歡行入少年叢尋花借馬煩川守弄水偷船惱令公

聞道洛城人盡怪呼為劉白二狂翁

晚春欲携酒尋沈四著作先以六韻寄之

病容衰慘澹芳景晚蹉跎無計留春得爭能奈老何篇  
章慵報答杯謙喜經過顧我酒狂久負君詩債多沈前  
詩十餘首春來多醉敢辭携綠蟻只願見青娥後惠  
竟未酬答今故云爾關唱真珠一串歌沈有詠者善唱西  
出陽關無故人詞

開成二年三月三日河南尹李待價以入和歲  
稔將稌於洛濱前一日啓留守裴令公令公  
明日召太子少傅白居易太子賓客蕭籍李  
仍叔劉禹錫前中書舍人鄭居中國子司業

裴暉河南少尹李道樞倉部郎中崔晉司封  
員外郎張可續駕部員外郎盧言虞部員外  
郎苗愔和州刺史裴儔淄州刺史裴洽檢校  
禮部員外郎楊魯士四門博士談弘纂等一  
十五人合宴于舟中由斗亭歷魏堤抵津橋  
登臨泝汭自晨及暮簪組交映歌笑聞發前  
水嬉而後妓樂左筆硯而右壺觴望之若仙  
觀者如堵盡風光之賞極遊泛之娛美景良  
辰賞心樂事盡得于今日矣若不記錄謂洛  
無人晉公首賦一章鏗然玉振顧謂四座繼

而和之居易舉酒抽毫奉十二韻以獻座上一作

三月艸萋萋黃鶯歌又啼柳橋晴有絮沙路潤無泥  
襖事修初畢遊人到欲齊金鈿耀飛李絲管駭鳧鷖  
轉舫迴船尾臨流簇馬蹄關於楊子渡蹋破魏王堤  
妓接謝公宴詩陪荀令題舟同李膺汎醴為穆生  
攜水引春心蕩花牽醉眼迷塵街從鼓動煙樹任鴉  
棲舞急紅罽凝歌遲翠黛低夜歸何用燭新月鳳樓西

同夢得寄賀東西川二楊尚書

龍節對持真可愛雁行相接更堪誇兩川風景同  
三月千里江山屬一家曾衛定知連氣色潘楊亦覺有光華

予與二公應隣洛下分司伴冬宴閒遊老看花

喜小樓西新柳抽條

一行弱柳前年種數尺柔條今日新漸欲拂他騎馬客  
未多遮得上樓人須教碧玉羞眉黛莫與紅桃作麴塵  
為報金堤千萬樹饒伊未敢苦爭春

酒醒尋夢得

料合同惆悵花殘酒亦殘醉心忘老易醒眼別春難獨  
出雖慵懶相逢定喜歡還攜小蠻去試覓老劉看

也名

感事

服氣崔常侍叔燒丹鄭舍人中常期生羽翼那忽化灰  
塵每遇淒涼事還思潦倒身唯知趁杯酒不解鍊金銀  
睡適三尸性慵安五藏神無憂亦無喜六十六年春

和裴令公南庄一絕

裴云野人不識中書令喚作陶家與謝家

陶廬僻陋那堪比謝墅幽微不足攀何似嵩峯三十六  
長隨申甫作家山

宅西有流水墻下構小樓臨翫之時頗有幽趣

因命歌酒聊以自娛獨醉獨吟偶題五絕

伊水分來不自由無人解愛為誰流家家拋向墻根底  
唯我栽蓮越小樓

水色波文何所似，麴塵羅帶一條斜。莫言羅帶春無主，自置樓來屬白家。

日灩水光搖素壁，風飄樹影拂朱欄。皆言此處宜絃管，試奏霓裳一曲看。

霓裳試罷唱梁州，紅袖斜翻翠黛愁。應是遙聞勝近聽，行人欲過盡迴頭。

獨醉還須得歌舞，自娛何必覓親賓。當時一部清商樂，亦不長將樂外人。

偶作

籃舁出即忘歸舍，柴戶昏猶未掩關。聞客病時慙體健，

見人忙處覺心閒。清涼秋寺行香火，和暖春城拜表還。木雁一篇須記取，致身才與不才閒。

同夢得酬牛相公初到洛中小飲見贈時牛相公辭罷

揚州節度就拜東都留守

淮南揮手拋紅旆，洛下迴頭向白雲。政事堂中老丞相，制科場裏舊將軍。官城煙月饒全占，關塞風光請半分。詩酒放狂猶得在，莫欺白叟與劉君。

幽居早秋閒詠

幽僻翳塵外，清涼木末閒。臥風秋拂簟，步月夜開關。且得身安泰，從他世險難。但休爭要路，不必入山川。軒鶴

留何用泉魚放不還誰人知此味臨老十年間

和令狐僕射小飲聽阮咸

搔抑復淒清非琴不是箏還彈樂府曲別占阮家名古  
調何人識初聞滿座驚落盤珠歷歷搖珮玉瑤瑤似勸  
杯中物如含林下情時移音律改豈是昔時聲

燒藥不成命酒獨醉

白髮逢秋王丹砂見火空不能留姹女爭免作衰翁賴  
有杯中綠能為面上紅少年心不遠只在半酣中

送盧郎中赴河東裴令公墓

別時暮雨洛橋畔到日涼風汾水波荀令見君應問我

為言秋草閉門多

送李滁州

君於覺路深留意我亦禪門薄致功未悟病時須去病  
已知空後莫依空白衣臥病嵩山下阜蓋行春楚水東  
誰道三年千里別兩心同在道場中

長齋月滿寄思黯

一日不見如三月一月相思如七年侶隔山河千里地  
仍當風雨九秋天明朝齋滿相尋去挈榼抱衾同醉眠

冬夜對酒寄皇甫十一

霜殺中庭州水生後院池有風空動樹無葉可辭枝十

月苦長夜百年強半時新開一瓶酒那得不相思

歲除夜對酒

衰翁歲除夜對酒思悠然艸白經霜地雲黃欲雪天醉依香枕坐慵傍暖爐眠洛下閒來久明朝是十年

白氏長慶集卷三十三終

白氏長慶集卷第三十四

唐太子少傅刑部尚書致仕贈尚書右僕射大原

白居易樂天著

明後學松江馬元調巽甫校

律詩 凡七十五首

司徒令公分守東洛移鎮北都一心勤王三月

成政形容盛德實在歌詩况辱知音敢不先

唱輒奉五言四十韻寄獻以抒下情

天上中台正人間一品高中書令上應中台司徒官一品休明值堯舜

勳業過蕭曹始擅文二捷進士及第博學制策連登三科終兼武六韜

動人名赫赫憂國意忉忉李師道也盪蔡擒封豕吳元平齊斬巨

留京恩新換閭苑保定波濤寵重移官籥自東都留守授

晉國封疆潤并州士馬豪胡兵驚赤幟邊鴈避烏號令

下流如水仁霑澤似膏路喧歌五袴軍醉感單醪將校

森貌武賓僚儼雋髦容無煩夜析吏不犯秋毫神在臺

駘助魂凶獫狁逃德星銷慧孛霖甫滅腥臊烽戍高臨

代關河遠控洮汾雲晴漠漠朔吹冷颼颼豹尾交衙戟

蚪鬚捧佩刀通天白犀帶照地紫麟袍羗管吹楊柳燕

姬酌蒲普模切荀蒲荀酒出太原銀含鑿落盞金屑琵琶槽遥想

從軍樂應忘報國勞紫微留北闕中書令也綠野寄東

皇綠野堂在東都午橋莊也忽憶前時會多慙下客叨清宵陪讌話

美景從遊遨花月還同賞琴詩雅自操朱絃拂宮徵洪

筆振風騷近竹開方丈依林架桔槔春池八九曲畫舫

兩三艘徑滑苔粘屐潭深水沒篙綠絲紫岸柳紅粉映

樓桃皆午橋莊中佳境為穆先陳醴居易每于齋日在會常招

劉共籍糟劉夢得也舞鬟金翡翠歌頸玉螭螭盛德終難過

明時豈易遭公雖慕張范張良范蠡帝未捨伊臯眷戀心左

結踟躕首已搔鸞凰上寥廓燕雀住蓬蒿欲獻文狂簡

徒煩思鬱陶可憐四百字輕重抵鴻毛

和東川楊慕巢尚書府中獨坐感戚在懷見寄

十四韻

慕巢感戚虔州弟喪逝感已之榮盛有歸洛之意故叙而和之也

我是知君者君今意若何窮通時不定苦樂事相和東  
蜀歡殊渥西江歎逝波只緣榮貴極翻使感傷多行斷  
風驚鴈慕巢及楊九楊十前年來兄弟三人各在一處年侵日下坡片心休慄  
戚雙鬢已蹉跎紫綬黃金印青幢白玉珂老將榮補貼  
愁用道銷磨外府饒盃酒中堂有綺羅應須引滿飲何  
不放狂歌錦水通巴峽香山對洛河將軍馳鉄馬少傳  
步銅駝深契憐松竹高情憶薜蘿懸車年甚遠未敢故  
相過

分司洛中多暇數與諸客宴遊醉後狂吟偶成

十韻因招夢得賓客兼呈思黯奇章公

性與時相遠身將世兩忘寄名朝士籍寓興少年場老  
豈無談笑貧猶有酒漿隨時求伴侶逐日用風光數數  
遊何爽些些病未妨天教榮啓樂人恕接輿狂改業為  
逋客移家住醉鄉不論招夢得兼擬誘奇章要路風波  
險權門市井忙世閒無可戀不是不思量

小歲日喜談氏外孫女孩滿月

今日夫妻喜他人豈得知自嗟生女晚敢訝見孫遲物  
以稀為貴情因老更慈新年逢吉日滿月乞名時桂燎



熏花果蘭湯洗玉肌懷中有可抱何必是男兒新與皇甫結姻

閒吟贈皇甫郎中親家翁新與皇甫結姻

誰能嗟嘆光陰暮豈復憂愁活計貧忽忽不知頭上事  
時時猶憶眼中人早為良友非交勢晚接嘉姻不失親  
最喜兩家婚嫁畢一時抽得尚平身

夢得臥病攜酒相尋先以此寄

病來知少客誰可以為娛日晏開門未秋寒有酒無自  
宜相慰問何必待招呼小疾無妨飲還酒擊一壺

訓思黯戲贈同用狂字

鍾乳三千兩金釵十二行姑他心似火欺我鬢如霜思黯

自誇前後服鍾乳三千兩甚得力而歌舞之妓頗多來詩戲于羸老故戲答之慰老資歌笑銷  
愁仰酒漿眼看狂不得狂得且須狂

又戲答絕句來句云不是道公狂不得恨公逢我不教狂

狂夫與我世相忘故態些些亦不妨縱酒放歌聊自樂  
接輿爭解教人狂

令狐相公與夢得交情素深眷分亦不淺

聞薨逝相顧泣然旋有使來得前月未歿之前  
數日書及詩寄贈夢得哀吟悲歎寄情於  
詩詩成示予感而繼和

緘題重疊語殷勤存歿交親自此分前月使來猶理命

今朝詩到是遺文銀鈎見晚書無報玉樹埋深哭不聞  
最感一行絕筆字尚言千萬樂天君後令狐與夢得手札見樂天君為

洛下雪中頻與劉李二賓客宴集因寄汴州李

尚書

水南水北總紛紛雪裏歡遊莫厭頻日日聞來唯老病  
年年少去是交親碧氈帳煖梅花濕紅燎爐香竹葉春  
今日鄒枚俱在洛梁園置酒召何人

看夢得題答李侍郎詩詩中有文星之句因戲

和之

看題錦繡報瓊環俱是人天第一才好遣文星守矚次  
亦須防有客星來

閒適

祿俸優饒官不卑就中間適是分司風光煖助遊人處  
雨雪寒供飲宴時肥馬輕裘還且有麕歌薄酒亦相隨  
微躬所要今皆得只是蹉跎得校遲

戲答思黯思黯有能箏者以此戲之

何時得見十三絃待取無雲有月天願得金波明似鏡  
鏡中照出月中仙

訓裴令公贈馬相戲裴詩云君若有心求逸足我還留意在各姝蓋引妾

換馬戲意亦有所屬也

安石風流無奈何欲將赤驥換青娥不辭便送東山去  
臨老何人與唱歌

新歲贈夢得

暮齒忽將及同心私自憐漸衰宜減食已喜更加年  
紫綬行聯被籃輿出比肩與君同甲子歲酒合誰先

早春持齋答皇甫十見贈

正月晴和風氣新紛紛已有醉遊人帝城花笑長齋客  
三十年來負早春

戲贈夢得兼呈思黯

霜鬢莫欺今老矣傳曰今老矣無能為也一杯莫笑便陶然陳郎中處為高戶裴使君前作少年裴陳商郎中酒戶洽滴顧  
我獨狂多自哂與君同病最相憐月終齋滿誰開素頰  
擬奇童置一筵

早春憶遊思黯南莊因寄長句

南莊勝處心常憶借問軒車早晚遊美景難忘竹廊下  
好風爭奈柳橋頭冰消見水多於地雪霽看山盡入樓  
若待春深始同賞鶯殘花落却堪愁

謝皇甫十早春對雪見贈

漠漠復雰雰東風散玉塵明催竹窓曉寒退柳園春綠

醞香堪憶紅爐煖可親忍心三兩日莫作破齋人

奉和思黯自題南莊見示兼呈夢得

謝家別墅最新奇山展屏風花夾籬曉月漸沉橋脚底  
晨光初照屋梁時臺頭有酒鶯呼客水面無塵風洗池  
除却吟詩病閒客此中情狀更誰知

送蘄春李十九使君赴郡

可憐官職好文詞五十專城未是遲曉白鏡前無白髮  
春風門外有紅旗郡中何處堪攜酒席上誰人解和詩  
唯共交親開口笑知君不及洛陽時

自題酒庫

野鶴一辭籠虛舟長任風送愁還開處移老入閒中身  
更求何事天將富此翁此翁何處富酒庫不曾空劉仁軌詩

云天將富此翁以醉為富也

寒食日寄楊東川

不知楊六逢寒食作底歡娛過此辰兜率寺高宜望月  
嘉陵江近好遊春蠻旗似火行隨馬蜀妓如花坐遶身  
不使黔婁夫婦看誇張富貴向何人

醉後聽唱桂花曲

詩云遙知天上桂花孤試問嫦娥更有無月中幸有閒田

桂華詞意苦丁寧唱到嫦娥醉便醒此是人間腸斷曲

莫教不得意人聽

訓夢得以予五月長齋延僧徒絕賓友見戲十

韻

賓客懶逢迎，倏然池館清。簷間空鷺語，林靜未蟬鳴。葷  
血還休食，杯觴亦罷傾。三春多放逸，五月暫修行。香印  
朝煙細，紗燈夕焰明。交游諸長老，師事古先生。竺乾古  
先生也  
禪後心彌寂，齋來體更輕。不唯忘肉味，兼擬滅風情。蒙  
以聲聞待，難將戲論爭。虛空若有佛，靈運恐先成。

奉和裴令公三月上巳日遊太原龍泉憶去歲

禊洛見示之作依來體雜言

去歲暮春上巳，共泛洛水中流。今歲暮春上巳，獨立香  
山下頭。風光閒寂寂，旌旆遠悠悠。丞相府歸晉國，太行  
山礙并州。鵬背負天龜，曳尾雲泥不可得同遊。

又和令公新開龍泉晉水二池

舊有潢汚泊，今為白水塘。詩云方塘  
含白水笙歌聞四面，樓閣  
在中央。春變煙波色，晴添樹木光。龍泉信為美，莫忘午  
橋莊。

早夏曉興贈夢得

窗明簾薄透朝光，臥整巾簪起下牀。背壁燈殘經宿焰，  
開箱衣帶隔年香。無情亦任他春去，不醉爭銷得晝長。

一部清商一壺酒與君明白煖新堂

春日題乾元寺上方最高峯亭

危亭絕頂四無鄰見盡三千世界春但覺虛空無障礙  
不知高下幾由旬迴看官路三條線却望都城一片塵  
賓客暫遊無半日王侯不到便終身始知天造空閒境  
不為忙人富貴人

奉和思黯相公以李蘇州所寄太湖石奇狀絕

倫因題二十韻見示兼呈夢得

錯落復崔嵬蒼然玉一堆峯駮仙掌出罅坼劍門開峭  
頂高危矣盤根下壯哉精神欺竹樹氣色壓亭臺隱起

磷磷狀凝成瑟瑟胚鋪杯切廉稜露鋒刃清越扣瓊瑰姑

切岌業魚怯切形將動巍峩勢欲摧奇應潛鬼怪靈合蓄

雲雷黛潤霑新雨班明點古苔未曾棲鳥雀不肯染塵

埃尖削琅玕笋窪烏瓜切剡烏官切瑪瑙疊海神移碣石畫

障簇天台在世為尤物如人負逸才渡江一葦載入洛

五丁推出處雖無意升沉亦有媒媒為李蘇州拔從水府底

置向相庭隈對稱吟詩句看宜把酒杯終隨金礪用不

學玉山頽疎傳心偏愛園公眼屢迴共嗟無此分虛管

太湖來居易與夢得俱典姑蘇而不獲此石

奉和思黯相公雨後林園四韻見示

新晴夏景好復此池邊地煙樹綠含滋水風清有味便  
成林下隱都忘門前事騎吏引歸軒始知身富貴

晚夏閒居絕無賓客欲尋夢得先寄此詩

魚笏朝食飽蕉紗暑服輕欲為窓下寢先傍水邊行晴  
引鶴雙舞秋生蟬一聲無人解相訪有酒共誰傾老更  
諳時事閒多見物情只因劉與白二叟自相迎

寄李蘄州

下車書奏冀黃課動筆詩傳鮑謝風江郡謳謠誇杜母  
洛城歡會憶車公笛愁春盡梅花裏簾冷秋生薤葉中  
蘄州出好笛不道蘄州歌酒少使君難稱與誰同

憶江南詞三首

此曲亦名謝秋娘每首五句

江南好風景舊曾諳日出江花紅似火春來江水綠如  
藍能不憶江南

二

江南憶最憶是杭州山寺月中尋桂子郡亭枕上看潮  
頭何日更重遊

三

江南憶其次憶吳宮吳酒一杯春竹葉吳娃雙舞醉芙  
蓉早晚復相逢

酬思黯相公晚夏雨後感秋見示

白集 卷三十四  
暮來朝去無歇期炎涼闇向雨中移夜長祇合愁人覺  
秋冷先應瘦客知兩幅彩箋揮逸翰一聲寒玉振清辭  
無憂無病身榮貴何故沉吟亦感時

久雨閒悶對酒偶吟

淒淒苦雨闇銅駝嫋嫋涼風起漕在到河自夏及秋晴  
日少從朝至暮悶時多鷺臨池立窺魚笱舉後隼傍林  
飛拂雀羅賴有杯中神聖物百憂無奈十分何

雨後秋涼

夜來秋雨後秋氣颯然新團扇先辭手生衣不著身更  
添砧引思難與簾相親此境誰偏覺貧閒老瘦人

翻夢得早秋夜對月見寄

吾衰寡情趣君病懶經過其奈西樓上新秋明月何庭  
蕪淒白露池色澹金波况是初長夜東城砧杵多

題謝公東山障子

賢愚共在浮生內貴賤同趨群動閒多見忙時已衰病  
少聞健日肯休閒鷹饑受先結縲切從難退鶴老乘軒亦  
不還唯有風流謝安石拂衣攜妓入東山

謝楊東川寄衣服

年年衰老交遊少處處蕭條書信稀唯有巢兄不相忘  
春茶未斷寄秋衣



懷詠寄皇甫朗之

老大多情足，往還招僧待客夜。開關學調氣，後衰中健不用心來。鬧處閒養病，未能辭薄俸。忘名何必入深山，與君別有相知分。同置身於木鴈間。

東城晚歸

一條印杖懸龜蓋，雙角吳童控馬街。晚入東城誰識我，短靴低帽白蕉衫。

與夢得沽酒閒飲且約後期

少時猶不憂生計，老後誰能惜酒錢。共把十千沽一斗，相看七十欠三年。閒徵雅令窮經史，醉聽清吟勝管絃。

更待菊黃家醞熟，共君一醉一陶然。

與牛家妓樂雨夜合宴

玉管清絃聲，綺旒翠釵紅袖坐。參差兩家合，奏洞房夜八月連陰。秋雨時歌臉有情，凝睇久舞腰無力。轉裙遲人間歡樂，無過此。上界西方，卽不知。

和楊六尚書喜兩弟漢公轉吳興魯士賜章服

命賓開宴用慶恩榮賦長句見示

華筵賀客日紛紛，劍外歡娛洛下聞。朱紱寵光新照地，彤襜喜氣遠凌雲。榮聯花萼詩難和，樂助瓊觴酒易醺。感羨料應知我意，今生此事不如君。

自詠

鬢白面微紅，醺醺半醉中。百年隨手過，萬事轉頭空。臥疾瘦居士，行歌狂老翁。仍聞好事者，將我畫屏風。

夢得相過，援琴命酒，因彈秋思，偶詠所懷，兼寄

繼之待價二相府

閒居靜侶偶相招，小飲初酣琴欲調。我正風前弄秋思，君應天上聽雲韶。雲韶雅曲上多與宰相同聽之時和始見陶鈞力物，遂方知盛聖朝。雙鳳棲梧魚在藻，飛沉隨分各逍遙。

九月八日訓皇甫十見贈

君方對酒綴詩章，我正持齋坐道場。處處追遊雖不去

時時吟詠亦無妨。霜蓬舊鬢三分白，露菊新花一半黃。惆悵東籬不同醉，陶家明日是重陽。

慕巢尚書書云：室人欲為置一歌者，非所安也。

以詩相報因而和之

東川已過二二三，春南國酒求一兩人。富貴大都多老大，歡娛大半為親賓。如愁翠黛應堪重，買笑黃金莫訴貧。他日相逢一杯酒，樽前還要落梁塵。

杪秋獨夜

無限少年非我伴，可憐清夜與誰同。歡娛牢落中心少，親故凋零四面空。紅葉樹飄風起後，白鬢人立月明中。

前頭更有蕭條物老菊衰蘭三兩叢

憑李睦州訪徐疑山人疑卽睦州之民也

郡守輕詩客鄉人薄釣翁解憐徐處士唯有李郎中

蘇州故吏

江南故吏別來久今日池邊識我無不獨使君頭似雪

萃亭鶴死白蓮枯蓮鶴皆蘇州同來

得揚湖州書頗誇撫民接賓縱酒題詩因以絕

句戲之

豈獨愛民兼愛客不唯能飲又能文白蘋洲上春傳語  
柳使君輸揚使君

天宮閣秋晴晚望

洛城秋霽後梵閣暮登時此日風煙好今秋節候遲霞  
光紅泛艷樹影碧參差莫慮言歸晚牛家有宿期

酬夢得暮秋晴夜對月相憶

霽月光如練盈庭復滿池秋深無熱後夜淺未寒時露  
葉團荒菊風枝落病梨相思懶相訪應是各年衰

同夢得和思黯見贈來詩中先叙三人同讌之

歡次有歎鬢髮漸衰嫌孫子催老之意因酬

妍唱兼吟鄙懷

醉伴騰騰白與劉何朝何夕不同遊留連燈下明猶飲

斷送樽前倒卽休催老莫嫌孫稚長加年須喜鬢毛秋  
教他伯道爭存活無子無孫亦白頭

聽歌

管妙絃清歌入雲老人合眼醉醺醺誠知不及當年聽  
猶覺聞時勝不聞

三年冬隨事鋪設小堂寢處稍以穩煖因念衰

病偶吟所懷

小宅非全陋中堂不甚卑聊堪會親族足以貯妻兒煖  
帳迎冬設溫爐向夜施表新青兔褐褥軟白猿皮似鹿  
眠深草如雞宿穩枝逐身安枕席隨事有屏帷病致衰

殘早貧營活計遲由來蠶老後方是蠶成時

初冬卽事呈夢得

青氊帳煖喜微雪紅地爐深宜早寒走筆小詩能和否  
潑醅新酒試嘗看僧來乞食因留宿客到開樽便共歡  
臨老交親零落盡希君恕我取人寬

自罷河南已換七尹每一入府悵然舊遊因宿

內廳偶題西壁兼呈韋尹常侍

每日河南府依然自到家杯嘗七尹酒七尹酒味不樹  
同備嘗之美看十年花卽府中  
新菓園且健須歡喜雖衰莫歎嗟迎門無故  
吏侍坐有新娃煖閣謀宵宴寒庭放晚衙主人留宿定

一任夕陽斜

天寒晚起引酌詠懷寄許州王尚書汝州李常

侍

葉覆冰池雪滿山日高慵起未開關寒來更亦無過醉  
老後何由可得閒四海故交唯許汝十年貧健是樊蠻  
相思莫忘櫻桃會一放狂歌一破顏櫻桃時數與許汝  
君歡會甚樂

四年春

柳梢薰嫩草芽新又入開成第四春近日放慵多不出  
少年嫌老可相親分司吉傅頻過舍致仕崔卿擬卜鄰  
時輩推遷年事到往還多是白頭人

白髮

白髮生來三十年而今鬚鬢盡皓然歌吟終日如狂叟  
衰疾多時似瘦仙八戒夜持香火印三光朝念藥珠篇  
其餘便被春收拾不作閒遊即醉眠

追歡偶作

追歡逐樂少閒時補貼平生得事遲何處花開曾後看  
誰家酒熟不先知石樓月下吹蘆管金谷風前舞柳枝  
十聽春啼變鶯舌三嫌老醜換蛾眉樂天一過難知分  
猶自咨嗟兩鬢絲蘆管柳枝已下皆  
十年來洛中之事

公垂尚書以白馬見寄光潔穩善以詩謝之

翩翩白馬稱金羈，領綴銀花尾曳絲。毛色鮮明人盡愛，  
性靈馴善主偏知。免將妾換慙來處，試使奴牽欲上時。  
不蹶不驚行步穩，最宜山簡醉中騎。

西樓獨立

身著白衣頭似雪，時時醉立小樓中。路人迴顧應相怪，  
十一年來見此翁。

書事詠懷

官俸將生計，雖貧豈敢嫌。金多輸陸賈，酒足勝陶潛。  
陶潛詩云：常苦酒不足。牀煖僧敷坐，樓晴妓卷簾。日遭齋破用，  
每月常持齋。春賴閨加添。是年閨正月也。老向歡彌切，狂於飲不廉。十年

間未足亦恐涉無厭

酬夢得比萱草見贈來篇云唯君比萱草相見可忘憂

杜康能散悶，萱草解忘憂。借問萱逢杜，何如白見劉。老  
衰勝少天，閒樂笑忙愁。試問同年內，何人得白劉。

問皇甫十

苦樂心由我，窮通命任他。坐傾張翰酒，行唱接輿歌。榮  
盛傍看好，優閒自適多。知君能斷事，勝負兩如何。

早春獨登天宮閣

天宮日煖閣門開，獨上迎春飲一杯。無限遊人遙怪我，  
緣何最老最先來。

送蘇州李使君赴郡二絕句

憶拋印綬辭吳郡予自罷蘇州及衰病當時已有餘今日賀君兼自喜  
八迴看換舊銅魚茲換八刺史也

二

館娃宮深春日長館娃宮今靈巖寺也烏鵲橋高秋夜涼烏鵲橋在蘇州  
甯風月不知人世變奉君直似奉吳王

長洲曲新詞

茂苑綺羅佳麗地女湖桃李艷陽時胡容老已死胡容老  
後輩風流是阿誰

白氏長慶集卷第三十四終

